



«ТАСДИҚЛАЙМАН»  
Тошкент шаҳар статистика  
бошқармаси бошлиғининг  
биринчи ўринбосари  
Ш.Умидов  
2021 йил

Тошкент шаҳар статистика бошқармасида  
коррупцияга қарши курашиш мавзусида  
бўлиб ўтган семинар йиғилиши

БАЁНИ №2

2021 йил 27 апрель

Тошкент ш.

Семинар раиси: Ш.Умидов – бошқарма бошлиғининг биринчи ўринбосари

Қатнашганлар: И. Шерматов – Бошқарма бошлиғи ўринбосари,  
Бошқарманинг коррупцияга қарши курашиш идоравий комиссияси аъзолари, тармоқ бўлимлари ва туман статистика бўлим бошлиқлари

КУН ТАРТИБИ:

“Тошкент шаҳар статистика бошқармаси тизимида 2021 йилда коррупцияга қарши курашиш бўйича идоравий комплекс чора-тадбирлар режаси” юзасидан белгиланган вазифалар ижроси тўғрисида.

(Ш.Умидов, И.Шерматов, Ш.Шаагзамова, Ш.Каримова,  
М.Усмонов, Б.Шакаров, Ш.Умидов)

Семинар йиғилишида, Ўзбекистон Республикаси Президентининг 2020 йил 29 июндаги “Ўзбекистон Республикасида коррупцияга қарши курашиш тизimini такомиллаштириш бўйича қўшимча чора-тадбирлар тўғрисида”ги ПФ-6013-сон Фармони ҳамда “Тошкент шаҳар статистика бошқармаси тизимида 2021 йилда коррупцияга қарши курашиш бўйича идоравий комплекс чора-тадбирлар режаси” ижросини таъминлаш юзасидан бошқарма ва туман статистика бўлимлари ходимларига қисқача тушунчалар бериб ўтилди.

Шунингдек, мазкур фармонда Ўзбекистон Республикаси Коррупцияга қарши курашиш агентлигининг асосий вазифалари ва йўналишлари тўғрисида бошқарма ҳамда туман статистика бўлимларига батафсил маълумотлар берилди. Жумладан, мамлакатда коррупция ҳолатини тизимли таҳлил қилишни таъминлаш, шунингдек, коррупцияга оид хавф-хатарлар юқори

бўлган соҳалар ҳамда коррупцияга оид ҳуқуқбузарликлар содир этилишининг сабаб ва шарт-шароитларини аниқлаш;

коррупциянинг олдини олиш ва унга қарши курашиш соҳасидаги давлат сиёсатини, шунингдек, коррупцияга оид ҳуқуқбузарликларнинг тизимли сабаб ва шарт-шароитларини бартараф этиш ҳамда коррупцияга қарши курашиш чораларининг самарадорлигини оширишга қаратилган давлат ва бошқа дастурларни шакллантириш ва амалга ошириш;

фуқароларнинг ҳуқуқий онги ва ҳуқуқий маданиятини оширишга қаратилган комплекс дастурларни ишлаб чиқиш ва амалга ошириш, коррупциянинг олдини олиш ва унга қарши курашиш масалаларига оид ахборотларни тарқатиш ҳамда коррупцияга қарши курашиш бўйича ўқитишни ташкил этиш орқали жамиятда коррупциянинг барча кўринишларига муросасиз муносабатни шакллантириш;

вазирлик ва идораларнинг коррупциянинг олдини олиш ва унга қарши курашиш соҳасидаги фаолиятини мувофиқлаштириш, давлат органлари, оммавий ахборот воситалари, фуқаролик жамияти институтлари ва бошқа нодавлат сектор вакилларининг ушбу масалалар бўйича биргаликдаги самарали фаолиятини ташкил этиш;

давлат ва хўжалик бошқаруви органлари, давлат корхоналари ва устав капиталида давлат улуши бўлган корхоналар, шу жумладан банкларда коррупцияга қарши ички назорат тизими («комплаенс-назорат») ҳамда коррупцияга қарши курашишнинг бошқа халқаро воситаларини жорий этиш ва самарали фаолият кўрсатишини ташкиллаштириш, замонавий усуллар ва ахборот-коммуникация технологиялари асосида коррупцияга қарши мониторинг олиб бориш, шунингдек, уларнинг мазкур соҳадаги фаолияти бўйича рейтингини тузиш;

норматив-ҳуқуқий ҳужжатлар ва уларнинг лойиҳаларини коррупцияга қарши экспертизаси самарадорлигини таъминлаш, шунингдек, коррупциянинг олдини олиш ва унга қарши курашиш соҳасидаги қонунчиликни такомиллаштириш, халқаро стандартларни ва илғор хорижий амалиётни жорий этиш бўйича таклифларни ишлаб чиқиш ҳамда амалга ошириш;

давлат хизматчиларининг даромад ва мол-мулкини декларация қилиш тизими жорий этилиши ва самарали фаолият кўрсатишини ҳамда декларацияларнинг ҳаққонийлиги текширилишини ташкил этиш, шунингдек, ушбу жараёнда аниқланган коррупция ҳолатларига ўз вақтида таъсир чоралари кўрилишини таъминлаш;

давлат хизматида ҳалоллик стандарти («ҳалоллик вакцинаси») ва манфаатлар тўқнашувини ҳал этиш стандартларини жорий этишда кўмаклашиш бўйича таъсирчан чораларни кўриш, шунингдек, уларга риоя этилиши устидан назоратни амалга ошириш;

бюджет маблағлари, халқаро ташкилотлар ва хорижий давлатларнинг қарзларидан фойдаланиш, давлат активларини реализация қилиш ва давлат харидлари соҳасида коррупцияга қарши назорат тизимининг самарадорлигини таҳлил қилиш, шунингдек, уни такомиллаштириш бўйича таклифларни ишлаб чиқиш;

коррупциянинг олдини олиш ва унга қарши курашиш соҳасида халқаро ҳамкорликни ривожлантириш ҳамда мамлакатнинг имиджини мустаҳкамлаш ва унинг халқаро рейтинглардаги ўрнини ошириш бўйича тизимли чора-тадбирларни амалга ошириш;

коррупциянинг ҳолати, тенденциялари ва сабаблари ҳамда коррупцияга қарши чоралар кўришнинг самарадорлиги юзасидан социологик, илмий ва бошқа тадқиқотларни ташкил этиш, коррупциянинг олдини олиш ва унга қарши курашишнинг таъсирчанлигини ошириш бўйича таклифларни ишлаб чиқиш;

коррупциянинг олдини олиш ва унга қарши курашиш бўйича фаолиятнинг очиқлиги ва шаффофлигини таъминлаш, шу мақсадда оммавий ахборот воситалари, фуқаролик жамияти институтлари ва нодавлат секторнинг бошқа вакиллари билан самарали ҳамкорликни амалга ошириш этиб белгиланганлиги таъкидланди.

Шу билан бирга, идоравий коррупцияга қарши курашишнинг самарали дастурларини амалга ошириш, уларнинг ҳисобдорлиги ва фаолиятининг очиқлиги механизмларини жорий этиш, одоб-ахлоқ қоидаларига риоя этилиши ва манфаатлар тўқнашувининг олди олинишини таъминлаш бўйича амалий чора-тадбирларни бажариш орқали тегишли соҳада коррупцияга оид ҳуқуқбузарликларга имкон яратаётган сабаблар ва шарт-шароитларни таг-томири билан йўқотиш давлат органлари ва ташкилотлари раҳбарларининг биринчи даражадаги муҳим вазифаси ҳисобланади.

Бошқарманинг тармоқ ва туман статистика бўлимлари раҳбарлари, ходимлари қонун ҳужжатларига риоя этиши, ўз мансаб ёки хизмат мажбуриятларини беғаразлик билан, холисона, виждонан, одоб-ахлоқ қоидаларига риоя этган ҳолда бажариши ҳамда коррупцияга оид бирор-бир ҳуқуқбузарликни содир этишдан ёки бундай ҳуқуқбузарликларни содир этиш учун шарт-шароитлар яратадиган бошқа ҳар қандай ҳаракатлардан ўзини тийиши шартлиги юзасидан огоҳлантирилди.

Шунингдек, Ўзбекистон Республикаси Президентининг 2020 йил 29 июндаги “Ўзбекистон Республикасида коррупцияга қарши курашиш тизимини такомиллаштириш бўйича қўшимча чора-тадбирлар тўғрисида”ги ПФ-6013-сонли фармони ҳамда 2021 йилда коррупцияга қарши курашиш бўйича идоравий комплекс чора-тадбирлар режаси ижросини таъминлаш юзасидан бошқарма ҳамда туман статистика бўлимлари мажбуриятлари тўғрисида батафсил маълумотлар берилди. Ушбу чора-тадбирлар режасида

белгиланган вазифаларни ўз вақтида бажариш юзасидан бошқарманинг тармоқ ва туман статистика бўлимларига тегишли топшириқлар берилганлиги қайд этилди.

Шунингдек, бошқарманинг расмий веб-сайти [www.toshstat.uz](http://www.toshstat.uz) да кўрсатиладиган интерактив давлат хизматлари миқдори йилдан-йилга ортиб бораётгани ҳамда бошқарманинг расмий веб-сайтига Тошкент шаҳри бўйича ойлик, чораклик ва йиллик таҳлилий статистик очиқ маълумотлар жойлаштириб борилиши таъкидлаб ўтилди.

Бундан ташқари, жойларда ташкил қилинаётган профилактика ишларини ташкил қилишда юқоридаги чора-тадбирлар режасида берилган топшириқларни қатъий амалга оширишлари, тадбиркорлик субъектлари фаолиятини қўллаб-қувватлаш борасида қабул қилинган Ўзбекистон Республикаси Президенти ҳужжатлари ва Ҳукумат қарорлари, статистика соҳасига оид қонунчилик ва меъёрий-ҳуқуқий ҳужжатлар талабларини янги ташкил топган ҳамда фаолият кўрсатаётган тадбиркорлик субъектларига тушунтириш ишларини кучайтириш, бунда жойлардаги семинар учрашувлар ва “Очиқ эшиклар куни”да тадбиркорлик субъектларига давлат статистика ҳисоботларини интернет тизими орқали электрон шаклда қабул қилиш тизимининг қулайликлари ва афзалликлари, жумладан ҳисоботларни қатъий равишда белгиланган муддатларда электрон шаклда тақдим этишлари лозимлиги тўғрисида доимий равишда тушунтиришлар бериб боришлари юзасидан топшириқлар бериб ўтилди.

Шу билан бирга, бошқарма ҳамда туман статистика бўлимлари ходимларининг одоб-ахлоқ қоидаларига амал қилишлари тўғрисида тўхталиб ўтилди.

Кун тартибидаги масалалар ва улар тўғрисидаги фикр-мулоҳазалардан келиб чиқиб йиғилиш

### **Қ А Р О Р   Қ И Л А Д И:**

1. Ўзбекистон Республикаси Президентининг 2020 йил 29 июндаги “Ўзбекистон Республикасида коррупцияга қарши курашиш тизимини такомиллаштириш бўйича қўшимча чора-тадбирлар тўғрисида”ги ПФ-6013-сонли фармони ҳамда “Тошкент шаҳар статистика бошқармаси тизимида 2021 йилда коррупцияга қарши курашиш бўйича идоравий комплекс чора-тадбирлар режаси” бандларида берилган топшириқларни ўз вақтида ижроси таъминлансин.

2. Бошқарманинг коррупцияга қарши идоравий комиссияси аъзолари, тармоқ ва туман статистика бўлимлари бошлиқларига:

-Тошкент шаҳар статистика бошқармаси ва туман статистика бўлимларида 2021 йилда коррупцияга қарши курашиш бўйича идоравий комплекс чора-тадбирлар режаси бандларида берилган барча топшириқлар сўзсиз

бажарилиши таъминлансин амалга оширилган ишлар бўйича маълумотлар киритилсин;

- коррупцияга қарши курашиш ва коррупция ҳолатларининг олдини олиш юзасидан қабул қилинган қонун ҳужжатлари ҳамда Давлат статистика қўмитаси томонидан бу борада белгиланган вазифалар ва чора-тадбирлар ижросини тўлиқ таъминлаш юзасидан барча зарур чораларни кўрган ҳолда, мансаб ваколатларини суистеъмол қилиб, коррупция ҳолатларига йўл қўйган раҳбар ва ходимларга нисбатан қатъий жазо чораларини кўрилиши тўғрисида огоҳлантирилсин;

- жисмоний ва юридик шахсларнинг мурожаатлари ҳамда ахборотдан фойдаланувчиларнинг сўровларини қонунчилик ҳужжатларида белгиланган талаблар асосида кўриб чиқилишини, мурожаатларнинг таҳлил этилиши ва бу борада фаолият натижаларини муҳокама этиб борилишини таъминлаб, ушбу масалаларга масъул раҳбар ва ходимлар фаолияти юзасидан назоратни янада кучайтирсинлар;

- бошқарма ва туман статистика бўлимларида тадбиркорлик субъектлари билан тарғибот-ташвиқот ишларини кенг қамровда ва тизимли асосда ташкил этилишини таъминлаб, бунда асосий эътиборни тадбиркорлик субъектлари учун яратилган қулайликлар, уларнинг ҳуқуқлари ва мажбуриятлари, ҳисобот тақдим этиш тартиблари ва муддатлари тўғрисида тушунтириш ишларини олиб борилишига, ҳуқуқбузарликларнинг барвақт олди олинishiга ва уларнинг профилактикаси самарадорлигини оширишга қаратсинлар ҳамда бу борада сусткашликка йўл қўйган раҳбарлар ва ходимларга нисбатан қатъий интизомий жазо чораларини кўрилиши юзасидан огоҳлантирилсин;

- давлат статистика ҳисоботларини тақдим этиш тартибини бузган ҳуқуқбузарларга нисбатан маъмурий ишларни юритишда амалдаги қонун ҳужжатларига тўлиқ риоя этилишини таъминлаб, бу борада асосий эътиборни Маъмурий жавобгарлик тўғрисидаги кодексининг 215-моддаси биринчи қисмида назарда тутилган ҳуқуқбузарликни биринчи марта содир этган тадбиркорлик субъектларининг мансабдор шахсларига нисбатан маъмурий амалиётни қўллашни Ўзбекистон Республикасининг 2016 йил 29 декабрдаги ЎРҚ-418-сон қонуни талаблари асосида юритилишига қаратсинлар;

- тадбиркорлик субъектларига уларнинг ҳуқуқлари, статистика соҳасига оид қонунчилик ва меъёрий-ҳуқуқий ҳужжатлар талабларини тушунтириш бўйича оммавий ахборот воситаларидан кенг фойдаланган ҳолда мунтазам мақолалар чоп этиб бориш, телевидение ва радио воситалари ҳамда расмий сайтлар орқали чиқишлар ташкил этиш, бунда айниқса электрон шаклда ҳисоботларни тақдим этиш тизимининг афзалликлари ва қулайликлари тўғрисида кенг кўламда ёритиб борилиши таъминлансин;

- бошқарманинг расмий веб-сайтнинг узлуксиз фаолиятини таъминлаш ва такомиллаштириб бориш ҳамда улардаги маълумотларни мунтазам янгилаб

ва тўлдириб борилишини таъминлаш, шунингдек Давлат статистика органлари фаолиятини очиклигини ёритиб берувчи маълумотларни кенг жамоатчиликка етказиш, шу билан бирга Давлат статистика кўмитаси ва бошқарма томонидан берилган топшириқларнинг тизим органларида ижро этилиши ҳолатини мунтазам равишда ўрганилсин;

- бошқарма ва туман статистика бўлимларида Ўзбекистон Республикаси Давлат статистика кўмитаси томонидан ишлаб чиқилган "Одоб-ахлоқ қоидалари"га амал қилган ҳолда ўз хизмат вазифаларини виждонан ва самарали бажаришлари юзасидан масъулиятларини янада оширсинлар.

3. Бошқарманинг бош юрисконсульти (М.Усмонов)га:

Ўзбекистон Республикаси Президенти, Ҳукумат фармон ва қарорлари, Давлат статистика кўмитаси қарор ва буйруқлари, шаҳар ҳокимлигининг қарор ва фармойишларини ҳар бири бўйича алоҳида ёзма маълумотлар тайёрлаш ва бошқарма ҳамда туман статистика бўлимларининг барча ходимларини доимий таништирилиши таъминлансин;

Ҳар чорак якуни бўйича бошқарма ва туман статистика бўлимлари томонидан хўжалик юритувчи субъектларга нисбатан қўлланилган маъмурий жарималарни Ўзбекистон Республикаси МЖТК талаблари асосида тўғри қўлланилганлиги юзасидан ўз тавсиялари бериб борилсин.

4. Ушбу семинар қарорлари ижросини назорат қилишни ўз зиммамда қолдираман.

Йиғилиш котиби



Ш.Шаагзамова